

Why Christians want federalism as per a Muslim

ربيع العلي (بزيبنا)

بيطلعك كم غبي وبيقلك المسيحيين بدهم فيدر الية.

أنه أقل شي يا غبي يطالبوا بالفدر الية، لأن أنا محلهم بطالب بالانفصال كلياً،

- من ال ٤٣ لليوم ونحن منمئل دور الضحية ونحن بالحقيقة الجلادين،

١- جبنا الفلسطيني وحكمناه بالبلد واستقوينا فيه ع اللبنانية اللي متلنا، والجماعة ما طالبوا للحظة إلا بلبنان،

٢- استقوينا بعبد الناصر وصرنا بدنا الوحدة وبدنا نلغي الدولة، وما شفنا منهم إلا انحيار للدولة وللبنان،

٣- ورجعنا جبنا السوري وكمان استقوينا فيه ونكلنا فيهم وحبسناهم، ونفيناهم، والجماعة ولا مرة طالبوا إلا بلبنان،

٤- تعاوننا مع السوري لأقصى الحدود واستقدنا من وجوده وضربنا بسيفه، ورجعنا صرنا ضده، والجماعة أخذونا بالأحضان ونسوا كل تاريخنا طالما عدنا إلى لبنان،

٥- جبنا الإيراني باسم الدين وحكمناه كمان بالبلد وأخذناهم ع خيارات دينية ضد تفكيرهم، وكمان ما شفناهم إلا عم يحكوا بالدولة وللبنان،

٦- منفتحهم جبهة حرب ومنمدر البلد وقت اللي بناسب إيران وممنوع عليهم أنه يعترضوا أو يناقشوا،

٧- جبنا داعش والنصرة وحضناهم لنعمل توازن سني شيعي وهني عم يتفرجوا ع صراعات حقنا اللي عمرها ١٤٠٠ سنة،

٨- حطيناهم مكبرات صوت بنص مناطقهم وصرنا بدنا نسمعهم خطبة الجمعة وأذان الصبح الساعة ٤ الصبح بالقوة وبأعلى صوت هني وقاعدين ببيوتهم،

٩- رحنا قعدنا مع الشاغوري وبعناهم وبعنا الرئاسة بالثمن اللي دفعه ورجعنا اتهمناهم بالخيانة والغدر وأخذنا دور الضحية والمظلومين، ونحن بالحقيقة بعنا وقبضنا الثمن، بس الحزب كان ورا عون بهيدا الموقف وعون رفض يبيع الرئاسة بالرغم من الثمن العالي اللي انعرض عليه، لهيك فرطت البيعة،

٩- بدنا نتهمهم بالخيانة والغدر والعمالة، ونحن ما خلينا خيانة و عمالة وغدر وما عملناهم، إلا من رحم ربي،

١٠- بدنا نقول عنهم الكفار وبدنا نضرب عقيدتهم بالصميم وبدنا نسملهم ربهم ع ذوقنا ومثل ما بدنا (يعني مثلاً أنا اسمي ربيع وبيطلعلي واحد ومصمم يسميني بديع وأنا مفروض أسكت وأشكره)،

١١- آخر شي منجي منلعب فوتبول بجونية منفش حقنا وكرهنا اللي عمره ١٤٠٠ سنة بالملعب اللي الجماعة مرتبينه ومزبطينه،

يا أخي ببساطة كتر خيرهم الجماعة اللي بيقبلوا يعيشوا معنا،

المشكل عنا وفيينا، لأن بحياتنا ما اعتبرنا البلد بلدنا، نحن منعتبره مزرعة وعم ننهش فيها.

ملاحظات من د. أشقر، ناشر هذا المقال على هذا الموقع:

- نتفهم الجو العام الذي أودى بهذا المقال وهما، الجو والمقال، في مكانهما.

- نفضل عدم استخدام كلمات نابية، ولكننا تفهّمنا الاستخدام في هذا الجو.

- المسلمون لم يجلدوا منذ ١٩٤٣ إلا للرد على ضمهم بالقوة إلى لبنان وسلخهم عن محيطهم، حيث كان المسيحيون هم الجلادون. طبعًا هذا الجلد المسيحي منذ ١٩١٨ جاء ردًا على جلد المسلمين منذ بداية الفتوحات الإسلامية عام ٦٣٤. وطبعًا نحن لا نحمل مسلمي اليوم وزر التاريخ لا بل نقول إنه كان بالإمكان ان تكون الأمور بالعكس، إلا اننا نحن نصف فقط.

- يقول إن المسلمين خونة لأنهم خانوا لبنان، لكننا في بحثنا وجدنا أن المسلمين لم يخونوا المسيحيين لأنهم لطالما رفضوا الانضمام للبنان علنًا إلى أن تم هذا بالقوة وبتواطؤ بعض الزعماء المسلمين، فحسب بعض مسلمين لاحقًا وبفعل غسل دماغ من قبل المسيحيين، أن انتمائهم لغير لبنان هو خيانة.

- تعلق المسلمين بمسلمي المحيط دليل صارخ على أنهم أمة واحدة.

- ممكن الاستفاضة بعد، لكننا نكتفي بهذا القدر ههنا.